

續修四庫全書

《續修四庫全書》編纂委員會編

續修四庫全書

上海古籍出版社

七八六・史部・政書類

宋會要不分卷（方域八至道釋二）

〔清〕徐松輯

校記不分卷

葉渭清撰

.....

一

全唐文

宋會要卷五

仁宗天聖三年五月八日廣南西路提點刑獄轉運司言相度鄭天益請移懷遠軍城并古陽縣及都巡檢縣宇就江口寨鎮江西岸起置控扼安化等州處蠻人出入久遠甚為捷便初帝慮勞百姓令本路相度及言省功便民從之

宋會要

修城

諸城修改移并上

雍熙三年八月六日河北營田使樊知古請修城木百萬牛革三百萬帝曰萬里長城豈在於此自古白奴黃河世為中國之患朕即位以來疆場無事則有河堤之

金唐文

卷八十一百六

役近日邊烽稍警大河尋即安流此蓋天意更迭垂戒常令惕厲然備豫不虞古之善教深溝高壘亦王公設險之義知古所請適當重困吾民第誠有司量以官物給之咸平四年八月七日陝西轉運使劉綜請於蒲洛河建城為軍帝曰頗有臣僚曾獻此議且城郭既立又須屯兵屯兵不多寇來不可悉戰止閉壁自守則軍城之立未見其長呂蒙正曰聖慮所及深得理要願罷其請從之景德元年四月二十九日詔沿邊州軍役人修城墻宜令官吏常切按視飲食以時均其勞逸無過督責致其逃亡其北平寨築堤導河水灌十良淀者宜罷之先是帝以北邊工役煩重漸及炎夏慮使者不

能優恤又因懷政自北而南帝閱地圖以才良定地極卑下至夏秋自有積水不必勞役故有是詔二年三月十八日詔河北諸州軍城敵接戰棚有損者即葺之慮罷而列郡廢危故也三年二月十五日詔開調州調民修城頗亦勞苦即罷之第用州兵以漸給役

四年三月五日詔近徙祁州而頗為迫隘南開舊城令葺以裨益之四年十月一日詔河北諸州軍增葺城池繕之具令轉運使沿邊安撫都監分往檢校天聖三年八月四日河北轉運使言沿邊州軍霖潦之後修浚城隍功料甚大役兵不足欲伺農隙差鄉村強壯共力營葺從之六年九月十四日詔河北沿邊及近裏州

金唐文

卷八十一百六

軍城壁令逐處總管知州軍同判幹都監如城池敵接壕塹等摧損亦并修之自通和已來只修近邊州城今并力修飾之又詔天雄軍城壁并敵接年深候得來檢計修御河漳河時併城壕寨令檢計差夫修之明道元年十二月二十二日河北轉運司言相度高陽開城壕開洶別無妨礙詔自今春秋但作渥城取土漸次開浚不得張皇康定元年三月五日詔陝府以西城池令都轉運司相度除近邊衝要之處即依前數催督修築自餘州郡止以役兵漸次興葺無得差率人夫致妨農務康定元年四月十九日陝西安撫使韓琦等言慶廊涇三州修城有妨農種復少兵士以代夫役今

請聽富民獻力自願人夫修築三萬功者與太廟齊即
五萬功與試益簿或同學究出身七萬功與簿尉八萬
功與借職十萬功與奉職從之 慶曆元年七月詔河
北河東近經霖雨恐城壁墜壞及甲鎗弓弩損壞其令
轉運安撫司點檢完葺及所部有衰疾不任職者遣吏
代之 三年正月十九日以提點河北路刑獄王儀提
舉本路修葺城池器械及置堡寨烽火教閱軍陣市馬
等事 二十六日詔河北轉運提點刑獄安撫司提舉
修完城壘 五年七月七日步軍都虞候狄青言四事
以來極邊州軍並已完固次邊不曾修葺西賊直至涇
川人大驚恐蓋為城壁未完今西賊納款已將次邊州
全唐文 卷八十六
軍因暇興修詔令陝西轉運司相度施行 慶曆八年
九月十四日詔河北沿邊修城軍士月給持支錢 皇
祐元年三月二十四日臣僚上言江淮城壁缺落乞特
加脩葺詔以透賊緩說量葺之 五年八月二十一日
詔益梓州夔路轉運司漸脩築諸州軍城池毋致動民
時言者以甲午年有蜀變而諸州軍素無城郭之豫宜
備禦之及興工又賜役卒緡錢 治平四年六月八日
神宗即位詔河北沿邊當職臣僚常切完城壁器械
未改元
熙寧二年十月九日詔應河北州軍昨經地震管
勾修葺城壁敵棚接櫓倉庫官舍功役官員的有勤勞
逐州軍長吏已下各賜獎諭令本路更切體量昨經地

震後繕完城宇救護官物內有盡心悉力優有勞績者
仰與本州長吏同共的確保明聞奏熙寧三年正月二
十三日詔諸州軍自來有於城上別作路路便門可以
踰城出入者並令廢拆不得存留 治平四年八月
有差以地處修城有勞也奉恩賜路經使李師中請廢
修州軍城壁見與修外權住修展令轉運司指揮逐處
據昨來檢計合修展城所用樓櫓漸次計置材植興造
收闕準備緩急安卓仍限三日了畢先具工料聞奏每
季具已修未修數目申樞密院 九年八月十八日中
書門下言福建路轉運副使徐億奏準朝旨修治海福
泉漳州興化軍城壁緣約用工料價錢萬數浩大乞借
民力興役支與口食詔億量歲時豐凶州軍緊慢依條
差大修築 十年七月十一日河北西路提點刑獄丁
執禮言竊考前代凡制都邑皆為城郭於周有掌固之
官若造都邑則治其固與其守法是也蓋民之所聚不
可以無固與守今之縣邑往往故城尚存然摧圯斷缺
不足為固况近歲以來官司所積錢斛日多於前富民
巨賈萃於廛市城郭不修甚非所以保民備寇之道也
以為完之之術不必費縣官之財擇令之明者使勸誘
城內中上戶出丁夫以助工役漸以治之緣城成亦
之利非僅其所不欲也仍視邑之多盜者先加完築次

及餘處庶使民有所保而杜塞盜窺覲之心詔中書門下立法以聞中書門下言有詳天下州縣城壁除五路州軍城池自來不闕脩完可以守禦外五路縣分及諸州縣城壁多不脩葺各有損壞亦有無城郭處緣逐處居民不少若不漸令修完竊慮緩急無以備盜今欲令逐路監司相度委知州知縣檢視城壁合脩去處計會工料於豐歲分明曉諭勸諭在城中上等入戶各出丁夫脩築委轉運使勸會轄下五路除沿邊外擇居民繁多或路當衝要縣分諸路即先自大郡城壁指築去處各具三兩處奏乞脩完候降到朝旨依下項一委轉運司先體量合脩城州縣知州知縣人材如可以倚

全唐文

卷八十二百六

辦集事即行差委如不堪委知州即具奏乞選差知縣並計於本路官員內選擇對換或別舉官其被替人却令赴銓院依舊名次別與合入差遣仍並不理為遺闕一令所委官躬親部領壕寨等打量估計城壁合脩去處州縣並依舊城高下脩築其州縣元無城處即以二丈為城底濶一丈五尺上收五尺如有舊城只是損缺既估計補完其州城低小去處亦須增築令及縣城丈尺分擘工料紐美却計合用人工物料若干數目申差官檢覆委無虛計工料即各令置簿抄錄依料次興脩一於豐歲勸誘在城上中等入戶各出人夫仍將合用工料品量物力高下均定逐戶合出夫數出榜曉示及

置簿拘管從上輪番勾集工役仍限三年了畢如遇災傷年分亦許依常平賑濟法召關食人民工役支給錢米一應合用修城動使椎木博子楮之類並委轉運司勸會處移那之撥其榷木亦許於係官無妨礙地內採斫充使一應城門並檢計合用物料人工差官覆檢支破官錢收買應副使用從之元豐二年正月十七日詔諸路脩城於中等以上戶均出役夫夫出百錢其役廣戶狹處以五年分五限餘以三年分三限送官為相度募人或量增役兵脩築如錢不足預具數以開過災傷及三分年仍權住輸錢五年七月二十三日詔廊延路見脩六寨其長城嶺寨以西接連環慶路金湯

全唐文

卷八十二百六

白豹已指揮環慶路差二萬人並邊照應若別無興作即是虛勒軍馬令徐禧沈括計議當進築城寨處與曹布議定以聞八月二十五日環慶路經畧使曹布言洛原故城可以建一城白豹和市可以建一寨宮馬川可以建一堡從之令李察應副侯廊延路兵勢相接方興板築十一月九日廊延路經畧司言塞門山城逼山受敵有古城基井古壕根權本路第三將米贊和募禁兵興築凡七日工畢詔米贊成磨勘二年六年九月十二日河東經畧司言本路有當脩城壁工料浩大轉運司錢穀有限必難應副乞賜度僧牒五分分與沿邊州軍和顧民夫脩繕其次邊及近裏州軍乞令轉運司

就農隙度工料發民夫從之 元符三年十一月十日
中書省奏到工部狀臣僚劄子奏竊見元符元年十二
月二十三日朝旨將陝西諸路並依涇原路申請不得
於近城脚下取土臣竊謂固護城壁何獨陝西欲乞天
下應有城壘去處並依涇原路中請施行城成坑陷者
限半月令有司填壘豫為緩急之備工部勘當欲依本
司所申如違其所主修造官科入八十罪當職都監監
押有失檢察城壘二等從之續資治通鑑長編元符二
年十一月十日
諸州壯城兵士州軍多巧作名目影占差充他役不得
專任修葺城壁欲乞責在知通如任滿或非次替移令
遞相交割若有損壞去處令新任官不得隱庇具實中
樞密院相度若城壁大段損圯取旨點責所貴知通任
責提轄兵官免有他役之獎因致損壞誤事及枉費官
錢從之 二年五月二十六日河東路提點刑獄司狀
承都省批下承議郎趙希孟劄子竊見備城之具以茂
離為先河東素不產竹止以軟木條子為之不經歲月
便成糜爛難禦矢石今欲乞於懷州河南府等處根括
係官竹園分作二年間歲洗斫令遞鋪般運於澤州置
場專委知通職官管勾先公邊次次邊挨排檢送逐州

金唐文

卷八十一

六

作院造作窰離使用如更不足即乞行下江南兩浙出
產去處根括係官竹或收買逐旋官船附帶至都下却
令遞鋪搬送澤州置場處送工部行下河東路提刑司
本司今相度所用防城窰離若依趙希孟起清經久委
是利便從之 宣和三年閏五月八日江浙淮南等路
宣撫司奏浙江被賊六州睦歙杭徽婺處會經焚劫秀
越二州經賊圍閉臣勘會秀越二州昨因兇賊初犯睦
杭州之後逐州補充城壁粗可守禦歙州元無城壁睦
州係就舊基並合創築城池雖目今事力未完緣逐州
首被賊擾居民若無城壁無緣安居須著先次築城杭
州城基四十餘里地步大寬若全修舊城不惟目前費
功異日亦難守禦如未修城民戶未盡安樂不免就其
形勢城縮因舊日脩完如此省功民情樂為已行下歙
睦州杭州依此脩築外有衢婺處州臣聞皆有舊城內
婺州城內官私舍屋全不經焚燒衢處城郭被燒至多
其城各可以因舊增葺臣聞完城壁瘠池壕備賊寇州
郡之常事但東南久不用兵官司懈弛是致一日賊發
人不安居今措置江浙不以曾未脩築城池如自來未
曾招置壯城人兵去處帥府以三百人節鎮以二百人
夫郡以一百人為額專一修瘠城池不得別兼他役庶
幾日久不致頽圯詔杭州江寧府城壁並因舊脩完不
得減縮餘依宣撫司措置到事理施行二十九日中書

金唐文

卷八十一

六

省言勘會諸路州軍城壁除已修築去處外其餘路分應合脩完城壁內有不置壯城州軍未有該載逐旋申請不一詔無壯城州軍即刻本處廟軍工役仍量度緊慢逐旋脩築合用錢物並令轉運司刻刷那駢應副合置壯城關額去處委當職官限一月招填足額十一月二十八日朝散直祕閣沈思泰前日鼠寇竊發十百為郡輒敢侵犯郡邑者獨以城郭不完而城郭之所不完者以州郡壯城兵卒雖有條禁不給他役然皆玩習故常恬不知畏工匠役使冗占治盡坐視城郭隳圯不復繕完臣愚以謂諸路州郡量大小宜皆置壯城兵仍責守二兵官旬月檢察脩完城壁欲望申明舊法

全唐文 卷八十一百六

詔申明行下今後諸路州軍脩完城壁了畢如功力就大依元豐法遣工部郎官前去覆按 靖康元年三月二十二日臣僚言聞京畿諸縣及汝州蔡州順昌河中鳳翔等處見脩城壁工役浩大汝州用六十四萬八千工差科率斂尤為煩擾方春東作衆務畢舉驅民捨業從事工役既違天時又虜已渡河河南非受敵之所近調兵運糧民力凋瘵若又大興工役勞費已甚斂已連降指揮除與河東河北接連要害之地其京畿縣汝蔡順昌等處權罷庶幾可以息日前之急詔除河東河北并滑潘州外並權罷候農隙日取旨 五月十日詔河北京東路州軍城壁合行脩治仰逐路帥守多方計度

進行脩繕安置樓櫓其縣鎮民間自願出力脩築者聽令佐監司官為部率毋得擾擾委有功績仰帥臣監司保明以聞 紹興六年三月一日尚書省言諸州城壁往往倒塌不即補治及將壯城人兵違法他役有已脩去處增添高闊徒費工力不能就緒詔令逐路帥司督責所屬州軍如有損壞用功不多仰一面計置用壯城人兵脩治不得科擾若倒塌稍多不能自行整葺即審度實用工料開具見管壯城人數供申不得隱落虛椿大計或城大難以因舊亦仰隨宜減處務要省便仍將合減處去丈尺畫圖及今後具所管城壁有無損壞事狀並申尚書省 淳熙三年十月五日詔諸路帥司行

全唐文 卷八十一百六

下所部州軍專令守臣分委在城都監等各議定地分常切照管城壁遇有損動開裂裂隨即脩治守臣以時躬親點檢歲終具已脩補圓備帳狀申本路安撫司若守臣去替即令新官依此施行

全唐文

宋會要

京東路

政和元年五月二十六日京東路轉運使奏准樞密院
 劄子臣僚上言勘會京東路軍州城壁內外空閑地段
 多是違法入戶請佃並不曾栽植寸木每至修補城壁
 即須支破官錢收買木植又從而檢獲入戶積歲所費
 蠹耗公私不輕今相度欲乞逐州委自兵官一員於內
 外城脚下栽種槐榆柳棠以備修補城壁之用免侵
 損公私即不得非時以剝破為名應副他用依河北濠
 城司栽種比較青活死損法賞罰所有其餘路分軍州
 應無居止不係占射地段似此可以栽種去處仍乞依
 此施行大觀四年十二月二十七日送京東轉運司相
 度保明本司今相度委是利便從之

卷之五

河北路

京畿路

金史

卷之八

宋會要

宣和三年以開封府中平縣封王城改作清陽城

宋會要

定州城

元豐二年五月二日定州安撫司言奉詔俟有機便修
 展保州開城今涿州發兵夫脩城欲乘此於來春築保
 州城從之止作却築元豐二年九月二十九日詔脩定
 州城以明年合起民夫及河北路兵二十兼州兵充役
 元豐三年六月十二日詔定州路安撫司給封松紬
 絹三萬脩保州城元豐四年四月二十二日建雄軍節
 度使知定州韓絳脩保州城畢賜詔獎諭 徽宗建中
 靖國元年正月六日工部看詳定州路安撫使司狀今

相度到定州不依式脩過樓子欲將舊來法制施行所有馬面相去五十餘步去處委是稍稀如固今有推填即將稍稀去處依元豐城隍制度添置本路及其餘州軍並乞依此施行從之崇寧五年十月十日詔降元豐城隍制度法式京畿轉運司如增脩諸輔遵以從事

公唐文

卷八十二

河北路

全唐文

宋會要 棣州城

棣州城於州之西北七十里陽信縣界八方寺即高阜居之先是河北運使李士衡言棣州河流高於郡城者大餘朝廷累年後兵脩固蓋念徙城重勞民力而去冬已來颶凌水下游有衝注如解凍之後河流迅奔必有决溢之患今請移州於陽信縣界改築城邑以今年擇隄軍士助役則永久甚利詔可仍命度支判官張績內押班周文質乘傳與士衡等同蒞其事因降詔諭棣州官吏僧道百姓等仍月給本州公用錢十萬許造酒每月三犒軍校兩月一賜役夫錢其居口民田優給以直

全唐文 卷八十二

常租及浮客食鹽錢悉蠲之城中居民屋稅免一年大中祥符八年三月二十一日棣州新城畢以圖來上舊城廣袤九里今總十二里郡民所居悉如舊而給之其外創營宇廨舍賜役夫婚錢仍宴犒官吏將士帝以親役有死亡者又遣使命僧為水陸齋

宋會要 青州府城

京東東路

慶曆四年八月十二日知青州陳執中言奉詔權罷修州城契丹雖遣使再盟然未保其情虛實恐未可遽罷防守之備况秋稼大成人心樂於集事舊城比已興功剋削高下可窺若遂中止它日不免重困于民乞乘時完葺從之元豐六年十月十三日京東轉運使吳居厚

言準詔文益息錢三萬緡修青州城乞不用六年益息錢止以支不盡脚錢應副從之

宋會要 膠州城

宣和三年十二月十三日朝請大夫秘閣修撰知密州李延熙奏遵御筆以城壁壞墮湮廢歲久委巨躬親檢計責立近限刻刷人兵併工修完臣忝依處分措置督促不踰兩月並已畢工具圖狀奏聞聖旨令本路漕臣前去覈實同李延熙具元修完工力等第保明聞奏漕臣王子獻將元監修官工力等第申奏御筆李延熙可令學士院降詔獎諭監修官第一等通判趙士源特轉一官第二等兵馬鈐轄任藻等減三年磨勘第三等士

金唐文 卷八十三

曹朱端夫等城二年磨勘行遣人吏第一等支錢十貫第二等支錢七貫

河

宋會要 瀛州城

慶曆七年二月二十三日河北安撫司言瀛州修北關城甚是張皇竊慮引惹生事欲乞住修從之六月十九日北京賈昌朝言勘會瀛州昨展州開城已填塞大壕空歇不便緣諸處緊占兵士無應副功役欲乞且令開城放水通流候今秋河上諸處休閑兵士即併手修築從之熙寧元年八月十七日瀛州言本州自地震摧塌城壁樓櫓檢計人功料物乞朝廷指揮應副御批據所計材植人兵工匠數亦不至浩瀚其見役人寔令分使不足非久虜使入界若拖延至日城壁尚未具觀瞻誠亦不好况河北災傷輕可及全無事州軍甚多或且令

卷八十一

盡刷見管廂兵亦必大段有數邊防重事不可一日闕備其所乞事件朝廷且須與竭力應副可並如所請指揮七年七月二十八日詔瀛州修城將欲畢工可令軍器監監丞一員將帶壕寨計會本路監司一員同按視驅磨具依與不依元奏丈尺工料結罪保明聞奏仍具有無未盡未便利害今後五路州軍修城並依此

宋會要 易州

瀛州肅寧城雍熙中置名平虜橋寨淳化二年改平虜城景德二年改今名

全唐文

宋會要 興州城

熙寧八年正月二十七日詔興州增築舊城未幾已有
雄塌董使臣重行責罰不用赦原河北興後處依此
約束

宋會要 蒲陰城

咸平六年六月六日定州都總管司言定州蒲陰縣居
中山寧邊軍之間當高陽關會兵之路合再興葺帝曰
言修此城量屯戍兵者甚衆宜可其奏景德元年九月
二十四日詔諭祁州軍民等朝廷已令修築蒲陰城為
祁州去舊州百里許將議遷焉各宜知委先是帝曰祁

卷八十九

州城池不當要害素不修完將來戎人奔衝已議更不
固守雖曾遣使察諭朝旨候至時令入近便城寨其城
中人民未知恐為官司所誤故有是詔 又詔祁州葺
蒲陰縣徙居民廬舍遷廨宇營壘漸向冬寒土功勞擾
所有官吏自來承受宣敕公案簿籍等並且於舊州收
管候至來春修築畢日移置其舊州內外百姓等如情
願往新州居止及欲徙於他州只在舊處者並聽先是
河北轉運司言欲廣蒲陰縣城西北面各三里以舊城
牆為子城其舊城百姓並令於新城及草市內分布居
止所占蒲陰縣民稅田除許自占外餘者蠲其祖舊州
自來屯兵不通漕運令新城濱河路易致軍食甚便故

宋會要 方城八

有是詔 先朝誓書為賊聲援其蓄計不淺况國家前
年方修河北沿邊故蒲陰城再盟之後尋即罷役請下
東安撫司詰其因依或因賀乾元節使人還責以信誓
使罷修二城以破未然之患從之

宋會要 雄縣城

天禧元年八月十六日詔雄州李允則自今如城壘類
壞壞壘堽寨即漸令修完不得創有興修及差役近上
禁兵初九則於本州大修門戶牆壘帝聞之故有是詔
天禧三年五月二十五日河北沿邊安撫司言準詔規
度雄州城北擁城其地甚廣兼有準備材木望令本州
漸蓋舍屋冀行旅往來有所障蔽從之

卷八十九

全唐文

宋會要大名府城

元豐六年十二月十四日大名府路安撫使司言博州軍資庫有熙寧元年河北安撫使滕甫吳充用空名敕告召人進納見錢九千九百四十五緡乞以修治本路州府城櫓從之

宋會要瀘州城

景德元年十月四日知瀘州張東言已調集丁壯修葺州城帝以戎寇在境而內地遽有完葺恐搖人心命坐罷之康定二年九月三日知瀘州張觀言修城合用敵樓戰棚取今月二日興工詔緩其造作毋得張皇擾擾

卷八十八

城制不得過三十尺

宋會要瀘州城

慶曆七年二月二十三日河北安撫司言瀘州修北關城甚是張皇竊慮引惹生事欲乞住修從之六月十九日北京賈昌朝言勘會瀘州昨展州關城已填塞大壕空歇不便緣諸處聚占兵士無應副功役欲乞且令開城放水通流候今秋河上諸處休閑兵士即併手修築從之熙寧元年八月十七日瀘州言本州自地震摧塌城壁樓櫓檢計人功物料乞朝廷指揮應副御批據所計材植人兵工匠數亦不至浩瀚其見役人實令分使不足非久虜使入界若拖延至日城壁尚未具觀瞻誠

河北

亦不好况河北災傷輕可及全無事州軍甚多或且令盡刷見管廂兵亦必段有數邊防重事不可一日闕備其所乞事件朝廷且須與竭力應副可並如所請指揮七年七月二十八日詔瀘州修城將欲畢工可令軍器監監丞一員將帶壕寨計會本路監司一員同按視驅磨具依與不依元奏丈尺工料結罪保明聞奏仍具有無未盡未便利害今後五路州軍修城並依此

宋會要瀘州城

政和四年十月二十二日通議大夫充徽猷閣待制高陽關路安撫使吳玠奏準政和三年七月八日御前劄子相度到瀘州淤澱城壕分作三重置立中堦而濶丈

卷八十八

尺依圖開展臣充提舉瀘州守臣充管鈎又準今年六月十八日御前劄子候工畢其管鈎部役官吏等可第其功力優劣來上當行賞教臣契勘瀘州城濠自今年二月二十九日興工至八月二十六日了畢所有一行官吏等實有勞績數內提舉官吳玠管鈎行遣文字及往來點檢催促宣義郎管鈎高陽關路安撫司機宜文字王競管鈎行遣文字及專一管鈎事務朝請郎高陽關路安撫都總管司鈎當公事梁康祖朝奉大夫權通判信安軍權管鈎瀘州似詔各特與轉一官其梁康祖告令所屬收掌候服闋日給

宋會要 宋賓城崇寧三年以乳當川置

宋會要 宋賓城

卷八千一百四

熙河路

鳳路

宋會要 定西城

元豐四年於通遠軍北一百二十里置定西城元豐五年以定西城易直通遠軍以汝遷堡為定西城元豐六年閏七月十四熙河蘭會路置制使司上增築定西城通四寨文武官功狀詔五等皆賜銀絹第一等四人三百匹

宋會要 定无城

定无城熙寧七年置在河州境

宋會要 寧遠城

天聖十年修亦萬城堡改今名隸河州

宋會要 伏无城

卷八千一百六

建隆三年置管小寨十一日得勝榆林大像菜園探長新舊水谷聖林丙龍石人鋪寨駝項熙寧三年增置南城改寨為城熙寧三年二月二十八日秦鳳路經畧使李師中言廢山丹納迷川三堡增收秦州伏无寨為城從之

宋會要 德威城

會州德威城在舊清水河政和六年置

宋會要 韓公城

慶曆初守臣韓琦以秦州東西城外有民居軍營恐資寇元年十月已卯詔增築外城乃廣外城十一里與內城聯合為一城秦民聽之號韓公城興功於元年十月

三日成於二年正月二十七日廣四千一百步高三丈五尺計工三百萬西開城元豐七年二月三日賜秦州度僧牒百一十五修城

宋會要南市城

真宗大中祥符九年三月二十五日秦州請築城南市從之是城本曰南使蕃語訛謂之南市西南抵秦州百五十里去渭州籠竿城八十里秦渭相接控扼西戎之要也曹瑋請用秦渭五州兵泊近寨弓箭手守城而居焉異日戍兵代還則別募勇士三千為南市城弓箭手處之

宋會要單利城

卷八十六

熙寧元年八月十三日秦鳳路走馬承受公事王有度言秦州修單利城襟襟堡役本州六縣義勇乞與免諸般科配三年權往今冬閑教一次城下搬運糧草材植義勇及弓箭手寨戶沿路身死者及量友孝贈錢詔義勇特與免二年科配因搬運糧草及工役身死者每一人贈錢二貫文弓箭手寨戶亦依此

宋會要甘谷城

熙寧元年六月三日李師中言準詔勘會昨展置甘谷城所拘占湯谷內田地係與不係心皮等三家仍令王詔劉希與同蕃部首領標定界至具詣實以聞尋令王詔劉希與計會高遵裕同往諸部族內體量其間有

蕃部標撥却入官地土數多今耕種不足者却與元獻納內三分給還一分其弓箭手亦不得執元額人數只據合入官地土招人却揀選精銳退去孱弱如此則不害邊計稍塞獎源詔師中令詔希與還詣蕃部所獻地土體問蕃部逐戶的實情願獻地數有非元初情願者並給還之餘依所奏七月五日詔秦州新築大甘谷口寨城賜名甘谷城置知城監押守焉二年二月八日秦鳳路經畧安撫使司言秦州甘谷城通渭堡至古渭寨一帶弓箭手耕種堡子已差官相度檢計功限修築次詔令孫永委差去將官相度須量逐處地分所管人馬多少過事宜保聚老小能容着得盡方為穩便

卷八十六

宋會要清水城

政和六年六月十八日陝西河東路宣撫使司奏遵奉聖訓措置修復湟州古骨龍會州清水城並畢工今先次條具到漕運應副等官伏望優與推恩都統制官別法已降制外統制何權趙隆同統制辛叔詹等奉御筆何權轉拱衛大夫選郎防禦使趙隆辛叔詹二人並換正任防禦使統兵修築清水河城官統制劉仲武除觀察使辛叔詹轉選郎防禦使中侍大夫隨軍走馬承受鄧珪劉彥遵王端李君諒各轉一官經畧使趙通馬防張莊姚古李諒各轉一官內有止法回授親屬應副戡糧孫瑛轉兩官程唐轉兩官內一官除直龍圖閣應副

熙河路劉翥張仲英已歿故轉兩官劉翥一官除直龍圖閣張仲英同授白身親屬蓋仇郭允迪張深各轉兩官內一官除直秘閣高衛肅有除直龍圖閣軍前監管張大鈞轉兩官內一官轉選郎刺史修築熙管趙遇取兩官應副本司官任諒張構梁統各轉一官

宋會要臨洮城

大觀大年改為洮州

宋會要震武城

湟州震武城政和六年以古骨龍城改

宋會要安羌城

宣和六年以蓋機堡改

卷八十六

宋會要蘭泉廢城

元豐四年九月十三日熙河路都大經制司言收復蘭州蘭州古城東西約六百餘步南北約三百餘步大兵自西使新約百五十里將至金城有天間五六里僅通人馬自夏賊敗歟之後所至部族皆降附今招納已多若不築城無以固降羌之心見築蘭州城及通過堡已遣前軍副將苗履中軍副將王文郁都大主管修築前軍將李浩專提舉從之元豐六年五月二十日詔蘭州展築北城其南城若依舊則城圍太廣難於守禦若平居多置守兵又耗露糧食候展築北城將軍即廢南城

宋會要蕭關縣廢城

宋會要 方城八

涇原路

元豐四年十一月初九日上批付盧秉曰張大寧奏乞城蕭關故城以為根蒂或効已見力於熙河自城蘭州及展置戍壘之後羌人相繼降附者已數萬帳迄今効順接跡不絕卿其早圖之

宋會要平夏城

平夏城舊石門城紹聖四年改大觀二年改為懷德郡紹聖四年九月二十七日涇原路經畧使章惇奏昨進築平夏城首先與臣議論并應制軍與提舉官並功效顯者乞優賜推恩詔轉官循資減磨勘年陞擢差遣有差 元符元年二月十四日樞密院言近降指揮令章惇鍾傳等相度平夏城會合三路兵馬修築今據章

卷八十六

五

惇鍾傳奏候計置糧草及守城之具足備或乘春草長茂伺隙進築乞且依已降朝旨各於本路進築候有間隙即依朝旨施行續據鍾傳中到渭州與章惇論議正原等處進築無不合天都一帶無不合天都一帶無草後候計置有備同共進築今經原九羊谷熙河蕭關逐路自合先次與築須於旬日之內了當其沒煙峽口至平夏城止二十里熙河蕭關心去蕭耳關不遠斟酌機會乘此修築一面從長施行仍仰章惇於新築三城寨增置糧草足備可以興舉即開報鍾傳依所降朝旨會同三路兵將進築沒煙峽正原等處詔令章惇鍾傳遵依施行如逐路利害不同聽各具所見以聞

廊延路

學環慶路

複

宋會要羅兀城

熙寧三年三月十八日詔羅兀城宜令趙高相度如不可守令棄毀訖奏河東所報探西賊水軍恐於石州渡河令呂公弼過為之備撫寧失陷人令經畧司按實具數聞奏羅兀城濱草壁令轉運司更不得運糧草前去

宋會要蕃市城

蕃市城詔聖四年正月二十四日以知通遠軍康謂等修築畢工賜銀兩有差

宋會要懷遠城

明道元年十月甲寅鎮戎軍新修亦素城名為懷遠城

宋會要南牟會新城

卷之六

元符二年改為西安州

宋會要耳朵城

慶州耳朵城大中祥符元年築

宋會要定邊城

元符二年四月二十五日環慶路經畧安撫使司言新築定邊城川原厚遠土地衍沃西夏昔日於此貯糧今技來蕃部日眾可以就給土田使之種植本路舊蕃弓箭手散處城寨分隸諸將今歸附之人乞更不分隸別置總領蕃兵及同總領以領之從之

宋會要駱駝巷城

元符二年五月二十七日環慶路言進築駱駝巷城畢

工詔賜工役兵民錢有差

宋會要白豹城

元符二年五月十四日胡宗回言築白豹城寨畢工詔入役漢蕃兵人各賜銀有差六月二十七日詔進築環慶路白豹城畢工東上關門使戎州團練使本路鈐轄張存為四方館使充副總管左藏庫使都監神朴為皇城使權鈐轄降授宮苑使權都監張誠復皇城使通郡團練使為都監各賜金帛有差

宋會要大順城

慶曆二年范仲淹於慶州系連寨東北四十里大順川建城四月年已詔城名大順

卷之七

宋會要定遠城

紹聖三年五月六日權熙河蘭岷路經畧司公事游師雄言宋開寶孤勝如堡定遠城一帶舊管認巡檢地分除宋開寶孤堡北隔大河外並係占穩地形可以探望賊馬又定遠城尉斗平堡通四道諸寨巡緝地分皆在口舖之外並係自被巡馬所到乞並管認為界詔從之仍令經畧司差人巡緝卓望令西人習知此處為界

宋會要興平縣城

興平城舊元家寨新築元皇城副使兼閤門通事舍人神朴還文恩使以統制兵馬進築興平城橫山寨也

宋會要南牟會新城

泰鳳路

永興軍路

泰鳳路